

Harun rasmi tanding Naib Presiden

KUALA-LUMPUR. — Bekas Menteri Besar Selangor, Datuk Harun Idris rasmi mengumumkan keputusannya bertanding jawatan Naib-Presiden UMNO, dalam perhimpunan agong parti itu, 26 Jun ini.

Kertas penerimaan pencalonannya disampaikan oleh Ketua Pemuda UMNO Bahagian Selangor, Encik Fahmi Ibrahim, bekas Setiausaha Politik beliau, kepada Setiausaha Agung UMNO, Datuk Haji Mustafa Jabbar, pagi ini.

Datuk Harun dicalonkan oleh hampir 40 bahagian UMNO seluruh negara, untuk hampir kesemua jawatan, kecuali Pengerusi Tetap. Beliau juga dicalonkan bagi jawatan Timbalan Pengerusi Tetap.

Menurut Encik Fahmi, Datuk Harun bertanding untuk hanya satu jawatan kerana semata-mata untuk terus berkhidmat pada parti.

"Beliau juga ingin bersama pemimpin-pemimpin UMNO lain mewujudkan perpaduan UMNO khususnya dan rakyat Amnya", jelas Encik Fahmi.

Dengan keputusan tersebut maka besar kemungkinan sekarang perebutan jawatan kedua dalam UMNO itu akan hanya antara Menteri Pelajaran, Datuk Musa Hitam dengan Menteri Kewangan, Tengku Razaleigh Hamzah.

Timbalan Perdana Menteri, Datuk Seri Dr. Mahathir, yang telah menerima pencalonan untuk jawatan Timbalan Presiden sebahum Datuk Hussein Oon mengumumkan keputusannya untuk mengundur diri, mungkin menaruh diri di saat terakhir.

Datuk Seri Dr. Mahathir dijangka menang tanpa bertanding sebagai presiden parti.

Setakat ini, sekurang-kurangnya enam tokoh telah pun memutuskan untuk bertanding ia-

watan Naib-Presiden: Menteri Hal Ehwal Dalam Negeri; Tan Sri Ghazali Shafie; Menteri Hal Ehwal Luar, Tengku Ahmad Rithauddeen; Encik Ghafar Baba (Naib-Presiden sekarang); Datuk Semu Abdul Rahman; Menteri Besar Negeri Sembilan, Datuk Rais Yatim dan tokoh perniagaan dari Perak, Datuk Ismail Majid.

Mengenai peruntukan akta pindaan yang dihusulkan baru-baru ini, beliau menjelaskan, Datuk Harun telah pun merayu pendaftar pertubuhan untuk bertanding dan seterusnya memegang jawatan itu sekiranya menang.

Menurut Encik Fahmi, Datuk Harun telah pun menerima 'jawapan' dari pendaftar pertubuhan. — Bernama.

Bahan asal dari Arkib
Negara Malaysia

No. Siri

No. Pe...

11/9/81
273